



PERSEVERA

Un página di kurashámentu i guia spiritual pa miembran di Scouting Antiano



Mart 2012

Edishon 14 Aña 2

Sabiduria ta bin di Dios, no di Mundu

Sabiduria tin mas balor ku piedra presioso; maske kiko hende por antohá kompará ku sabiduria, e ta ñaña. (Proverbionan 8:11)



Kore tras di sabiduria i bringa pa haña kompreshon, no lubidá mi palabranan ni desviá for di nan. (Proverbionan 4:5)

Ami, sabiduria, ta amiga di konosementu, sano huisio ku mi ta hopi sera ku otro. (Proverbionan 8:12)



Optené sabiduria i atkerí kompreshon, duna nan bo prioridat. Duna sabiduria su balor, e ora ei lo e hasi bo grandi; ser'é den bo brasa, i lo e hasi bo famoso. (Proverbionan 4:7-8)

“Korekshon fraterno ku bista riba salbashon eterno”

ta un parti interesante di e mensahe di kuaresma 2012 di su santidat Papa Benedikto XVI



“Paga tinu” riba bo ruman ta enserá tambe atenshon pa su bienestar spiritual. I akinan mi ke rekordá un aspekto di bida kristian ku na mi pareser a bai den olvido: **korekshon fraterno ku bista riba salbashon eterno**. Awendia por lo general nos ta hopi sensibel ora ta trata di kuido i karidat relashoná ku e bienestar físiko i material di otro, pero nos ta keda completamente ketu ora ta trata di e responsabilidat spiritual pa ku nos rumannan. No tabata asina den Iglesia di e promé tempunan i den e komunidatnan ku ta berdaderamente madurá den nan fe, den kua hendenan no tabata interesá solamente pa salú korporal di e ser humano, pero tambe pa su alma, pa su último destino. Den Santa Skritura nos ta lesa: «Koregí un sabí, e sí lo apresia bo. Duna e sabí konseho i lo e bira mas sabí ainda;

instruí e hustu i su konosementu lo krese» (Pr 9,8ss). Kristu mes ta manda nos skual e ruman ku ta kometiendo piká (cf. Mt 18,15). E palabra ku ta wòrdu husá pa definí korekshon di e ruman —*elenchein*— ta e mesun ku ta indiká e mishon profétiko di e kristiannan, ku ta denunsiá un generashon ku ta entregá su mes na maldat (cf. Ef 5,11). Un di e obranan di mizerikòrdia spiritual di Iglesia ta esun di «koregi esun ku faya». Ta importante pa rekuperá e dimenshon aki di karidat kristian. Nos no mester keda ketu dilanti di maldat. Aki mi ta pensa riba akтитud di e kristiannan ku, pa respèt humano òf pa simpel komodidat, ta adaptá nan mes na e mentalidat komun, na lugá di alertá e rumannan riba e manera di pensa i aktua ku ta kontradesí e bèrdat i no ta sigui riba e bon kaminda. Sin embargo, lo ke ta stimulá e korekshon kristian nunca por ta un spíritu di kondena òf rekriminashon; loke ta move ta semper amor i mizerikòrdia, i ta brota for di e preokupashon berdadero pa bienestar di e ruman. E apòstel Pablo ta afirmá: «Si un hende hañ'é den gara di algu robes, boso ku ta biba di akuerdo ku Spiritu di Dios mester yud'é drecha su bida. Pero hasié ku kariño i wak bon pa niun di boso no kai den tentashon.» (Ga 6,1). Den nos mundu yená ku individualismo, ta nesesario pa bolbe deskubrí e importansha di korekshon fraterno, pa nos por kana huntu i yega na santidat. Te hasta “un hende hustu ta kai shete biaha” (Pr 24,16), Skritura ta bisa, i nos tur ta debil i ta kai (cf. 1 Jn 1,8). Ta p'esei, ta un gran sirbishi pa yuda otro i permití nan yuda nos, i asina nos por ta habrí na bèrdat tokante nos mes, mehorá nos bida i kana kada bes mas rekto riba e kamindanan di Señor. Sempert a nesesario un mirada ku ta stima i koregí, ku konosé i ta komprondé, ku ta diserní i pordoná (cf. Lc 22,61), manera Dios a hasi i ta sigui hasi ku kada un di nos.

CUARESMA: Señales para el camino

Caminar por el desierto es la pedagogía de Dios que lleva a los hombres a buscar dentro de sí mismos su propio camino.

